

di sier Piero da cha' da Pexaro, electo Proveditor zeneral in campo. Et fo lecte :

Di campo, dil proveditor Emo, date a Siciano, a dì 10, hore 6. Scrive di quelle occorrentie, et come erano alozati a et esser in alozamento forte. Francesi si andavano fortificando a Biagrasa; et altre particolarità.

Da poi leto le lettere, sier Piero da cha' da Pexaro procurator electo Proveditor zeneral in campo, andò in renga volendosi seusar, dicendo non poter star al sol che subito li vien mal a la testa, poi lui non è pratico in cose di guerra, pregando sia acceptà la sua seusa; con altre parole.

Fu posto, per li Consieri e Cai di XL, atento quello ha inteso il Consejo, che sia acceptà la seusa del preditto sier Piero da ca' da Pexaro; et andò la parte 116 di sì, 70 di no, 7 non sincere, e non fu presa.

Et visto cussi, il prefato sier Piero accettò di andar Proveditor zeneral in campo.

Fu posto, per li Savii tutti, la commission a sier Piero Bragadin va Baylo a Constantinopoli, *pro forma*, qual partirà questa setimana et

Fu posto, per il Serenissimo e tutto il Collegio, li danari per la expedition di sier Piero da ca' da Pexaro procurator va Proveditor zeneral in campo, *videlicet* che 'l Collegio lo debbi expedir per tutta la futura settimana e darli ducati 240 per do mexi, ducati 160 per li cavalli, ducati 30 per forzieri e coperte, *ut in parte*. Ave 162, 15, 1.

Fu posto, per il Serenissimo e tutti di Collegio excepto i Savii a i ordini, una parte zerca vender li beni di debitori tolti in tenuta a l'officio di le Cazude passà il presente mexe, *ut in parte*. Et fu presa, ave la copia sarà qui posta.

Fu posto, per li Savii ai ordini sier Antonio Barbaro, sier Bortolomio da Canal, sier Nicolò Venier, sier Zacaria Trivixan et sier Jacomo Memo che a Constantino Sida, Darfiano da Micone, qual per soi meriti per sier Domenego Trivixan cavalier procurator capitano zeneral di mar dil 1522 a di 23 Setembrio li fu concesso l'officio di baxilato (*sic*) a Micone per do rezimenti, come in ditta concession apar, pertanto sia confermata la ditta concession. Ave 159, 12, 0.

246 1523 (1524) die 13 Februarii, in Rogatis.

Ser Dominicus Trivixanus eques procurator,
Ser Ludovicus Mocenicus,

I Diarii di M. SANUTO. — Tom. XXXV.

Ser Georgius Pisani doctor eques,
Ser Paulus Capellus eqnes,
Ser Andreas Trivisano eques,
Ser Laurentius Lauredano procurator,
Ser Hieronimus Justiniano procurator.

Sapientes Consilii.

Ser Johanes Natalis Salamon,
Ser Franciscus Mauroceno,
Ser Johanes Aloisius Navaiero.
Ser Vincentius Orio doctor eques.

Sapientes terrae firmae.

Fu deliberato per questo Consiglio a di 4 Decembre prossimo passato, che tutti quelli se atrovano debitori a l'officio nostro de le Cazude havesseno termine de zorni 15 de veder le soe rason, et pagar quanto i dieno dar, altramente, passato esso termine fosseno tolti in tenuta di beni loro *cum* termine de altri zorni 15 ad rescuoderli. In executione de la deliberatione, i officiali del ditto officio hanno tolto in la Signoria nostra beni de boni debitori per la summa de ducati 50 milia, servati tutti li debiti modi, et sono passati tutti li termini, nè havendo curato li debitori pagar, l'è da proveder che l'exaction del denaro nostro non scorra più in lungo, contenendose in la ditta deliberatione, che per questo Consiglio se debbi delberar circa i detti beni, però :

L'anderà parte che 'l sia commesso alli ditti officiali di le Cazude, che passato el presente mexe, per esser stà dato questo termine alli debitori de pagar senza pena i debiti soi, *immediate* debano vender a l'incanto i detti beni tolti in tenuta come beni de la Signoria nostra in denari contadi *cum* ogni celerità, facendo tre incanti secundo el consueto, *hoc declarato*, che passato esso mese fin che se venderano tal beni tolti in tenuta, tutti essi beni le intrade et fructi soi debano esser per conto di la Signoria nostra come è conveniente.

De parte 123

De non 49

Non Sincere 7

Fu posto, per tutto il Collegio, dar a l'orator dil 247^v re Christianissimo esistente in questa terra il dazio

(1) La carta 246 * è bianca.